

# INDUSTRIA ARLOAN ENERGIA ERAGINKORTASUNAREN ETA ENERGIA BERRIZTAGARRIEN ERABILERAREN ALDEKO INBERTSIOAK SUSTATZEKO LAGUNTZA PROGRAMA

## OINARRIAK

- 2017. URTEA -

## INDUSTRIA ARLOAN ENERGIA ERAGINKORTASUNAREN ETA ENERGIA BERRIZTAGARRIEN ERABILERAREN ALDEKO INBERTSIOAK SUSTATZEKO LAGUNTZA PROGRAMA

### 1. PROGRAMAREN XEDEA ETA DIRU LAGUNTZEN EZAUGARRIAK

**1.1** Eusko Jaurlaritzako Ekonomiaren Garapen eta Azpiegitura Sailak, Eusko Jaurlaritzaren energia politikaren alorrean ezarritako helburuekin bat etorritik, behar den bultzada publikoaren bidez, honako misio hau gauzatzen laguntzen du: energiaren kontsumoan eraginkortasuna areagotzen, energia sistema lehiakorrago, seguruago eta iraunkorrago lortzen, ingurumen eragina edo inpaktua gutxitzen, kontsumitzeko energia gutxiago erabiltzen eta kanpoko baliabideen mendekotasuna murrizten.

Horiek horrela, energiaren aurrezpen eta eraginkortasuna hobetzeari begira, eta energia berriztagarrien erabilera sustatzeko industria alorreko instalazioetan, Euskal Autonomia Erkidegoan (aurrerantzean “EAE”) kokatuak, Industria Arloan Energia Eraginkortasunaren eta Energia Berriztagarrien Erabilerearen Aldeko Inbertsioak Sustatzeko Laguntzen Programa hau (aurrerantzean “Laguntza Programa”) argitaratu da.

**1.2** Laguntza Programa honen barruan ematen diren diru laguntzak itzuli beharrik gabeko diru laguntzak dira.

**1.3** Laguntza Programa hau eta bere aplikazioaren ondorioz ematen diren diru laguntzak bateragarriak dira barne-merkatuarekin, Europar Batasuneko Funtzionamendu Itunaren 107. artikuluan 3. atalean xedatzen denari jarraiki, Itun horren 108. artikuluan adierazten den batzordeari jakinarazi beharretik salbuesita egonik.

Estatuaren diru laguntza politiken oinarritzko lanabesa da Salbuespen edo Exentzio Erregelamendua, Europar Batzordeak barne-merkatuarekin bateragarriak diren ustezko diru laguntzak identifikatzen dituen neurrian, aldez aurretik baimena eman beharrik gabe. Era horretan, ustezko diru laguntza horien legezkotasuna soil-soilik Erregelamenduaren eskakizun materialak betetzearen eta izapide edo tramite formal batzuk aurrera eramatearen menpe dago. Salbuespen edo Exentzio Erregelamendua, 2014ko uztailaren 1etik aurrera indarrean dagoenak, jakinarazpen salbuespena xedatzen du hamahiru diru laguntza kategoriarako; gainera, horietako bakoitza baimendutako erregimen kopuru handi batean azpizatitu edo banatzen da. Bereziki, Salbuespen edo Exentzio Erregelamendua eskualde edo erkidego mailako helburua duten diru laguntzak babesten ditu, enpresa txiki eta ertainei (ETE) laguntzak, ETEak finantzaketara iristeko laguntzak, ikerkuntza, garapen eta berrikuntzaren aldeko laguntzak, eta abar.

Laguntza Programa honetan aurreikusten diren diru laguntzak Batzordearen 2014ko ekainaren 26ko UE 651/2014 Araudiaren barruan daude, zenbait diru laguntza mota barne-merkatuarekin bateragarriak jotzen dituen, Itunaren (DOUE 2014 L 187) 107. eta 108. artikuluen aplikazioaren ondorioz (aurrerantzean **651/2014 Erregelamendua**); eta bereziki, jarraian aipatzen diren artikuluen arabera:

**38. artikulua:** “Energia eraginkortasuna sustatzeko neurrien aldeko inbertsioei diru laguntzak”.

**40. artikulua:** “Eraginkortasun handiko baterako sorkuntza sustatzeko inbertsioei diru laguntzak”.

**41. artikulua:** “Iturri berriztagarrietatik datorren energia sustatzeko inbertsioei diru laguntzak”.

**46. artikulua:** “Energia aldetik eraginkorrak diren hiri berokuntza eta hozte sistemak bultzatzeko inbertsioei diru laguntzak”.

**49. artikulua:** “Ingurumen alorreko azterlanak egiteko diru laguntzak”.

1.4 Laguntza Programa honen arabera, 651/2014 Erregelamenduaren I. eranskinaren 1. eta 2. artikuluetan xedatzen denez, enpresatzat haxe hartuko da:

*“Jarduera ekonomiko bat gauzatzen duen edozein entitate enpresa kontsideratuko da, bere forma juridikoa edozein izanda ere (merkatu jakin batean ondasunak eta zerbitzuak emateko edozein jarduera dela ulertuta). Bereziki, enpresatzat hartuko dira, gizabanako edo familia bezala, eskuz egindako edo beste edozein jarduera gauzatzen duten entitateak; erregulariki jarduera ekonomiko bat gauzatzen duten pertsonen elkarteak eta asoziazioak ere enpresatzat hartuko dira.”*

Enpresa txiki-txiki, txiki eta ertainen kategoriaren (ETE) barruan izateko, enpresek honako baldintza hauek bete behar dituzte: 250 langile baino gutxiago izatea eta urteko negozio bolumena 50 milioi eurotik gora ez izatea, edo urteko balantze orokorra 43 milioi eurotik gora ez izatea.

ETE kategorien arabera honako ezaugarriak dituen enpresa hartzen da enpresa txikitzat: 50 langile baino gutxiago izatea eta urteko negozio bolumena edo urteko balantze orokorra 10 milioi eurotik gora ez izatea.

1.5 Laguntza Programa honen arabera, 651/2014 Erregelamenduaren I. eranskinaren 3. artikuluan xedatzen denez, haxe hartuko da kontuan:

1. «Enpresa autonomo» bat da, baldin eta ezin bada enpresa elkartutzat hartu, 2. atalaren arabera, ezta lotutako enpresatzat ere, 3. atalaren arabera.

2. «Enpresa elkartuak» dira lotutako enpresatzat jo ezin diren enpresa guztiak, 3. atalaren arabera, eta horien artean honako erlazio hau dago: enpresa bakar batek (partaidetzako enpresa) dauka bera bakarrik, edo lotutako enpresa batekin edo gehiagorekin, 3. atalaren arabera, beste enpresa baten (partaidetzako enpresa) kapitalaren edo boto eskubidearen % 25 edo gehiago.

Aurrekoa gorabehera, enpresa batek autonomoaren kalifikazioa izan dezake, enpresa elkarturik gabe, gehieneko muga den % 25 izan edo gainditzen bada ere, baldin eta jarraian aipatzen diren inbertsio kategoriak badira, eta horien artean, banaka edo batera, eta aipatutako enpresaren artean, 3. atalean azaltzen diren erlazioak edo loturak ez badaude.

a) Partaidetzako sozietate publikoak, arrisku kapitalen sozietateak, pertsona fisikoak, edo arrisku kapitalean (inbertsiogile probidentzialak edo business angels delakoa) inbertsioei lotutako jardueraren bat egiten duten pertsona fisikoen taldeak eta burtsan kotizatzen ez duten enpresetan funts propioak inbertitzen dituztenak; beti ere, aipatutako inbertsiogile probidentzialen inbertsioa enpresa berean 1.250.000 euro baino txikiagoa bada.

b) Irabazi asmorik gabeko unibertsitateak edo ikerketa zentroak.

c) Inbertsiogile instituzionalak, eskualde edo erkidegoen garapenerako funtsak barne.

d) Urtean 10 milioi euroko aurrekontua baino txikiagoa eta 5 000 biztanletik behera duten toki agintari autonomoak.

3. «Lotutako enpresak» izango dira, baldin eta haien artean honako erlazioen bat izaten bada:

a) Enpresa batek beste enpresa baten akziodunen edo bazkideen boto eskubideen gehiengoa badu.

b) Enpresa batek beste enpresa baten administrazio, zuzendaritza edo kontrol organoko kide gehienak izendatzeko edo kentzeko eskubidea badu.

c) Enpresa batek beste enpresa batean eragin nagusia edo menderatzailea ezartzeko eskubidea badu, harekin sinatutako kontratu baten ondorioz, edo bigarren enpresaren estatutu-klausularen batek eraginda.

d) Enpresa batek, beste enpresa baten akzioduna edo elkartua, bigarren enpresaren akziodun edo bazkideekin izenpetutako akordio baten bidez, haren akziodunen edo bazkideen boto eskubideen gehiengoa kontrolatzen badu bakarrik.

*Eragin nagusirik ez dagoela pentsatuko da, baldin eta 2. ataleko bigarren paragrafoan aipatzen diren inbertsiogileek enpresaren kudeaketan inplikazio zuzenik edo zeharkakorik ez badute, akziodunak diren aldetik, dagozkien eskubideei uko egin gabe.*

*Enpresek lehen paragrafoan aipatzen diren erlazioetako bat izanez gero, beste enpresa baten edo batzuen bitartez, edo 2. atalean azaltzen diren inbertsiogileekin, lotutako enpresatzat ere hartuko dira.*

*Era berean, lotutako enpresatzat joko dira, baldin eta aipatutako erlazioaren bat badute pertsona fisiko baten bidez edo elkar hartutako pertsona fisikoen talde baten bitartez, eta enpresa horien jarduna edo zati bat erreferentzia-merkatu berean edo antzeko merkatuetan gauzatzen bada.*

*«Antzeko merkatu»tzat haxe hartuko da: beste merkatu baten aurreko edo atzeko posizioan dagoen produktu edo zerbitzu baten merkatua.*

*4. 2. ataleko bigarren paragrafoan aipatzen diren kasuak izan ezik, enpresa bat ez da ETETzat joko, baldin eta haren kapitalaren edo boto eskubidearen % 25 edo gehiago, zuzenean edo zeharka, banaka edo batera, erakunde publiko baten edo gehiagoren kontrolpean badaude.*

*5. Enpresek beren kalifikazioaren inguruko deklarazio bat egiteko aukera izango dute, autonomia, elkartua edo lotutako enpresa den adieraziz; baita 2. artikuluan deskribatzen diren mugei lotutako datuez ere. Kapitalaren banaketa dela eta, zehaztasun handiz ez badago jakiterik noren esku dagoen, deklarazio hori egin dezakete. Horrela bada, fede onez edo onustez egingo du deklarazioa enpresak, presuntzio legitimoz, haren kapitalaren % 25 edo gehiago ez dela beste enpresa baten jabetzakoa, edo haien artean lotutako enpresekin batera daukala. Nolanahi ere, deklarazio horiek ez dute salbuesten Estatu edo Europa mailako araudiek ezartzen dituzten kontrolak eta egiaztapenak egitetik.*

**1.6** Era berean, Laguntza Programa honen arabera, diru laguntza jasoko duten 651/2014 Erregelamenduaren barruko proiektuek erakutsi beharko dute laguntza programa honek ondorio sustatzaile edo pizgarria duela (651/2014 Erregelamenduaren 6.2 artikulua). Ondorio horietarako, diru laguntzek ondorioa sustatzailetzat hartzeko, kontuan hartu beharko dira baldintza hauek:

- Laguntza Programa honen arabera, proiektuari edo jarduerari ekin aurretik, onuradunak diru laguntza eskatu badu idatziz, eta eskaera horrek, gutxienez, 651/2014 Erregelamenduaren 6.2 artikuluan xedatutako informazioa badu.
- Enpresa handien kasuan, lehenengo paragrafoan adierazitako betekizunaz gain, diru laguntzak ondorio sustatzaile duela kontsideratuko da baldin eta honako egoeraren bat gertatzen bada: (i) proiektuaren edo jardueraren irismena nabarmen areagotzen bada, diru laguntzari esker, edo (ii) onuradunak proiektuan edo jardueran egindako guztizko inbertsioaren zenbatekoa nabarmen areagotzen bada, diru laguntzari esker, edo (iii) proiektua edo jarduera gauzatzeko erritmoan aurreratze nabarmena gertatzen bada.

Beraz, diru laguntza eskaera egin aurretik hasitako proiektuen edo lanen eskabideak ez dira onartuko, eta proiektuen edo lanen hasieratzat joko da 651/2014 Erregelamenduaren 2.(23) artikulua definitzen duena.

## **2. ONURADUNAK**

**2.1** Programa honek arautzen dituen diru laguntzen onuradunak hauexek izan daitezke:

- a) Izaera pribatuko edozein pertsona juridiko. Diru laguntzez baliatzeko jarduerak 4. eta 5. oinarri edo ataletan zehaztean dira eta EAEko industria arloan gauzatu behar dira.

b) Erakunde publikoak, titulartasuna bere osotasunean EAEko udal batena edo batzuenara izango dena, haien jarduna udal esparruan garatzen dutena eta udalen baten ordezkari gisa arituz, EAEko eremuan egiten diren jarduerak kudeatzeari begira. Jarduerak Laguntza Programa honen 4. eta 5. oinarri edo ataletan zehaztean dira eta industria arloan gauzatu behar dira.

2.2 Azaroaren 17ko diru laguntzez diharduen 38/2003 Legearen (aurrerantzean “LGS”) 13. artikuluan xedatzen diren eskakizunen arabera eta Euskal Autonomia Erkidegoko Ogasun Orokorraren Antolamendu Printzipioen Legearen Testu Bategina onartzen duen azaroaren 11ko 1/1997 Dekretu Legegilearen (aurrerantzean “1/1997 Dekretu Legegilea”) 50. artikuluan xedatutakoarekin bat etorriz, honako pertsona edo entitate hauek izan daitezke onuradunak: diru laguntza emateko eskatzen diren egoeran daudenak, edo oinarri hauetan eta deialdian aurreikusten diren baldintzak betetzen dituztenak.

Pertsonak edo erakundeak, onuraduna izateari begira, debekurik ez dutela justifikatzeko honako era honetan egin daiteke: LGSen 13.7 artikuluan eta 1/1997 Dekretu Legegilearen 50.6 artikuluan aurreikusten diren prozeduren bitartez.

2.3 Pertsona onuraduntzat jotzeko ezinbesteko baldintza izango da, diru laguntza eman aurretik zein diru laguntza emanez gero egoera edo baldintza horretan jarraitu ahal izateko, zergen eta gizarte segurantzaren inguruko betebeharrak edo ordainketak eguneratuak edukitzea, eta hala badagokio, diru laguntzak itzuli behar izateagatik betebeharren ordainketak ere.

2.4 Programa Ezin izango dira onuradunak izan honako hauek:

a) 1/1997 Dekretu Legegilearen 50.5 artikuluan adierazten diren egoeraren batean dauden eskatzaileak, baita zigortuta daudenak, administratibo edo penalki, diru laguntzak edo laguntza publikoak lortzeko aukera galarazita dutenak, edo debekuren bat indarrean dutenak eta horretarako gaitasunik gabe uzten dietenak ere.

b) Eusko Legebiltzarrak onartu zuen Herrialde Pobretuekiko Justizia eta Elkartasunerako Gutuna, abenduaren 28ko 14/2007 Legea betez, enpresaren helburu sozialen edo jarduketan artean, osorik edo aldez, armen ekoizpen merkaturatze eta finantzaketa bada.

c) 651/2014 Erregelamenduaren 1. artikuluan 4 a) eta 4 c) ataletan xedatzen denari jarraiki:

- Berreskuratzeko agindu baten zain dauden enpresak, aldez aurretik Batzordeak emandako erabakiaren ondoren, diru laguntza barne-merkatuarekin legez kanpoko edo bateraezina adierazten duena.
- Krisian dauden enpresak, krisia jasaten duten enpresak bideratzeko eta birmoldatzeko Estatuko diru laguntzei buruzko EBren jarraibideen arabera.

d) 2007ko martxoaren 22ko 3/2007 Lege Organikoak xedatutakoaren arabera, gizon eta emakumeen arteko benetako berdintasunaren aldekoa, 250 langile baino gehiago dituzten enpresek Berdintasun Planik ez badute.

### 3. LAGUNTZA PROGRAMAREN AURREKONTUA ETA ESKABIDEAK AURKEZTEKO EPEA

Laguntza Programa honi esleitutako diru-saila edo aurrekontua **milioi bat eta bostehun mila (1.500.000) eurokoa** da. betiere, horretarako Energiaren Euskal Erakundearen (aurrerantzean “EEE”) aurrekontuetan ezarritako kredituaren arabera.

EEEren guztizko diru laguntza kantitatea ez da 1.500.000 eurokoa baino handiagoa izango.

Laguntzen programa honen arabera, Euskal Herriko Agintaritzaren Aldizkarian (aurrerantzean “EHAA”) iragarkia argitaratzen den egunaren biharamunean hasiko da eskabideak aurkezteko

epea kontatzen programa honen kontura, eta programari esleitutako aurrekontua agortzen denean amaituko da epea eskaerak aurkezteko.

Nolanahi ere, aipatutako aurrekontua agortu zein ez agortu, 2017ko irailaren 15ean izango da azken eguna diru laguntza eskabideak aurkezteko.

Epeak zenbatzeari begira, urriaren 1eko 39/2015 Legearen 30. artikuluan xedatutakoa beteko da, Herri Administrazioen Araubide Juridikoa eta Administrazio Prozedura Erkideaz diharduena (aurrerantzean **39/2015 Legea**). Aipatzen diren egunei dagokienez, egun baliodunak dira, eta, beraz, kopuru horretatik larunbatak, igandeak eta jaiegunak kanpoan geratuko dira.

Aurrekontuaren bukaeraren edo agortzearen berri emango da EHAAn nahiz Interneteko EEEn helbide honetan: <http://www.eve.eus>.

Eskabideak edo eskaerak lehendik aurkeztuta egon arren, eta programari esleitutako diru saila edo aurrekontua amaitzeagatik diruz ezin bazaie lagundu, bazter egingo dira, EEEn zuzendari nagusiak emango duen ebazpenaren bidez.

#### 4. DIRUZ LAGUNDUKO DIREN JARDUERAK ENERGIA ERAGINKORTASUNEAN ETA DIRU LAGUNTZAREN ZENBATEKOA

Laguntza Programa honen kontura diruz lagunduko diren energia eraginkortasunaren alorreko jarduerak Oinarri hauetako 4. atalean zehazten dira; jarduera horiek EAEko lurralderen batean egingo dituzte onuradunek eta honako data hauen artean gauzatu eta fakturatu beharko dira: **Laguntza Programa honetaz baliatzeko eskabidea aurkeztzen den egunaz geroztik 2017ko abenduaren 31ra** (651/2014 Erregelamendua).

Laguntza Programa honetan adierazten diren energia eraginkortasun alorreko neurriak ezin izango dira baliatu laguntzen programa honetaz, inongo ataletan, baldin eta energiaren kontsumoan murrizketaren bat ez badakarte neurri horiek.

Laguntza Programa honen kontura diruz lagunduko diren energia eraginkortasun alorreko jarduerak hauek dira:

- a. **Ekipo osagarrien berritzeak eta prozesu industrialen alorreko instalazioetan hobekuntzak**, zenbait neurriren ezarpenaren bidez, adibidez, konpresoreak, galdarak, erregailuak, motorrak, ponpak, fluidoak (beroa eta hotza) banatzeko sistemetan isolamenduak, pabiloi eta eraikinetako barne-argiztapen sistemak, energia aldagaiak kontrolatzeko eta kudeatzeko sistemak, hondar-beroak aprobetxatzeko instalazioak eta abar ordezkatzeari; horien ordean, eraginkortasun handiko teknologiak erabiltzen dituzten gailuak jarriz, eta energia kontsumoan murrizketa esanguratsua egiaztatuz. Horietaz gain, energia kudeaketa eta kontrol sistemak ere kontuan hartuko dira.

Ez dira diruz lagunduko honako hauek: ekoizpen prozesuan energia kontsumitzen duten ekipoen eta instalazioen aldatzeko egiten diren inbertsioak (**prozesuko ekipoen eta instalazioen**), hala nola labeak, lehorgailuak, kubak, injektoreak, etab.

Atal honetan aipatutako jardueren kostu lagungarriaren %20ko diru laguntza izango dute.

- b. Energia eraginkortasun handiko **baterako sorkuntza instalazio berriak**, energia elektrikoa eta termikoa modu konbinatuan ekoizteko xedez.

Atal honen barruan, diruz lagunduko diren instalazioen jarduerak honako lege honetan jasota egon behar dira: 2012ko urriaren 25eko Kontseiluaren eta Europar Parlamentuaren 2012/27/CE Zuzentaraua, energia eraginkortasunaz diharduena, 2009/125/CE eta 2010/30/CE zuzentarauak aldatzen dituenak, eta 2004/8/CE eta 2006/32/CE zuzentarauak baliogabetzen dituenak.

Atal honetan aipatutako jardueren kostu lagungarriaren %20ko diru laguntza izango dute.



- c. **Energia auditoria integralak energia eraginkortasunaz**, ETE alorreko manufaktura enpresetan (C taldea, CNAEren arabera).

Aurrekoetz gain, industria plantetako eraikinetako bulego-eraikinetan auditoria integralak egiteko diru laguntza eskariak ere kontuan hartuko dira, baldin eta auditoria egingo den eraikin multzoak 20 tep/urteko gutxieneko muga badu, energia eskari primarioari dagokionez.

Auditoria garatzeko jarraitu beharreko metodologia UNE-EN 16247 arauaren arabera egingo da, edo geroago arauaren inguruan egindako egokitzapenen edo hobekuntzen arabera.

Atal honetan aipatutako jarduerak kostu lagungarriaren %50eko diru laguntza izango dute.

- d. Industria kokaguneko jarduera osoan, **UNE-EN-ISO 50001** arauan oinarrituta, **Energia Kudeatzeko Sistemak** ezartzea helburu dutenak.

ISO 50001 arauaren ziurtapena lortzeko, kanpoko elkarte akreditatu baten bidez egin beharko da.

Hasierako energia auditoria ere kontuan hartu beharko da, UNE-EN 16247 arauaren arabera.

Atal honetan aipatutako jarduerak kostu lagungarriaren %50ko diru laguntza izango dute.

Nolanahi ere, izango diren diru laguntzen ehunekoak bat etorriko dira 651/2014 Erregelamenduan xedatutakoarekin; zehazki, 38. artikulua 4. eta 5. atalean; 40. artikulua 5. atalean; 46. artikulua 3. atalean eta 49. artikulua 3. atalean.

## 5. DIRUZ LAGUNDUKO DIREN JARDUERAK ENERGIA BERRIZTAGARRIETAN ETA DIRU LAGUNTZAREN ZENBATEKOA

Laguntza Programa honen kontura diruz lagunduko diren energia berriztagarrien alorreko jarduerak Oinarri hauetako 5. atalean zehazten dira. Jarduera horiek Euskal Autonomia Erkidegoan egingo dira eta honako data hauen artean gauzatu eta fakturatu beharko dira: **Laguntza Programa honetaz baliatzeko eskabidea aurkezten den egunaz geroztik 2017ko abenduaren 31ra** (651/2014 Erregelamendua).

Ezin izango dira baliatu Laguntza Programa honetaz, inongo atalean, baldin eta energia berriztagarrien instalazioak egitearen kausa, aldez edo osorik, Eraikuntza Kode Teknikoak (aurrerantzean "CTE") ezarri badu, energia aurrezteari begirako oinarritzko eskakizunak betetzeko, edo eraikuntzari lotutako gainerako kalitate-helburuak betetzeko.

Laguntza Programa honen kontura diruz lagunduko diren jarduerak honako hauek dira: temperatura baxuko **eguzki-instalazio termikoak**, kolektore zapalak dituztenak, ur bero sanitarioa (aurrerantzean "A.C.S.") ekoizteko CPC edo huts-hodidunak, klimatizazioak, industria-prozesuetan ura berotzeko ekoizpenari lotutakoak, etab. Ez da mugarik jartzen instalatu beharreko azalerari dagokionez.

Atal honetan aipatutako jardueren diru laguntzen zenbatekoak ezin izango du gainditu kostu lagungarriaren %35.

Nolanahi ere, emango diren diru laguntzen ehunekoak bat etorriko dira 651/2014 Erregelamenduan xedatutakoarekin; zehazki, haren 41. artikulua 7. eta 8. atalean.

Jarraian, Laguntza Programa honek ematen dituen diru laguntzak eskuratzeko, jarduerak bete beharreko baldintza tekniko bereziak deskribatzen dira. Horrekin batera, proiektu mota bakoitzeko erreferentzia kostuak eta horien aldean gehieneko diru laguntzak ere azaltzen dira.

### **Aplikazio eremua**

- Ez da muga ezartzen instalatu beharreko azalerari dagokionez.
- Elementuko instalazioak. Eguzki-erradiazioaren xurgatzetik abiatuta, fluidoren bat berotzeko eguzki-energia sistemak. Horretarako, eguzki-kolektoreak erabiliko dira eta hauen galera-koefiziente globala  $9 \text{ W}/(\text{m}^2\text{ }^\circ\text{C})$  baino txikiagoa izango da aplikazio termikoetan erabiltzeko.

- **Sistema aurrefabrikatuak dituzten instalazioak.** Eguzki-erradiazioaren xurgatetik abiatuta, fluidoren bat berotzeko eguzki-energia sistema ez-zuzenak; berdin dio sistema trinkoa edo sistema zatikatua izatea. Eguzki-kolektoreen galera-koefizientea  $9 \text{ W}/(\text{m}^2 \cdot ^\circ\text{C})$  baino txikiagoa izango da. Ekipo zuzenak ez dira diruz lagunduko.
- **Aplikazio bereziak.** Hozteko aplikazioak edo  $60^\circ\text{C}$ -tik gorako diseinu-tenperaturetan egiten diren beste aplikazio batzuk; hartzailea homologatzeko kurba koadratikoaren aurrean, %40ko errendimenduak baino hobeak lortzen ( $t_m - t_a = 60^\circ\text{C}$  eta  $I = 800 \text{ W}/\text{m}^2$  direnean. Hozteko aplikazioetan, hotza sortzeko ekipoa ere kostu lagungarriaren partetzat hartuko da.

Hartzeko azalera erabilgarria  $40 \text{ m}^2$  baino handiagoa duten eguzki instalazio termikoetan energia neurtzeko sistema bat ezarri beharra dago zirkuitu primarioan, eguzki sistemak dakarren energia kuantifikatzea ahalbidetzen duena. Era berean, nahitaezkoa izan gabe ere, aukera interesgarria da instalazio txikietarako, aipatutako muga duten instalazioetarako, hain zuzen ere.

### Erreferentzia kostua eta diru laguntzaren ehunekoa, erreferentzia kostuaren aldean

Erreferentzia kostuak, instalatutako potentzia-unitateko, edo hartzeko eremu-unitateko, inbertsio handiena izango dena, eta diru laguntzaren ehunekoa hauexek izango dira:

Kategoria	Erreferentzia kostua €/kW (*) (€/m <sup>2</sup> )		Diru laguntza / Erreferentzia kostua
Sistema aurrefabrikatuak	1.160 €/kW (812 €/m <sup>2</sup> )		%35
Elementuko sistemak	14 kW-eraino (20 m <sup>2</sup> )	1.160 €/kW (812 €/m <sup>2</sup> )	
	14 kW-etik gora (20 m <sup>2</sup> )	1.015 €/kW (710,5 €/m <sup>2</sup> )	
Aplikazio bereziak	1.450 €/kW (1.015 €/m <sup>2</sup> )		

(\*) Laguntza Programa honen ondorioetarako, hartzeko azalera edo eremu homologatua  $0,7 \text{ kW}/\text{m}^2$  erlazioa da.

## 6. KOSTU LAGUNGARRIA

### 6.1 DIRUZ LAGUNDUKO DIREN ASPEKTUAK

- **4. Oinarriko a) ataletan** aurreikusten diren diru laguntzei dagokienez, energia eraginkortasun maila handiagoa lortzeko behar diren inbertsio-kostu gehigarriak lagunduko dira diruz. Era honetan kalkulatu dira:
  - Energia eraginkortasunean inbertsio-kostuak inbertsio bereizi gisa identifikatu ahal direnean guztizko inbertsio-kostuetan, energia eraginkortasunari lotutako kostu horiek diruz lagunduko dira.
  - Gainerako kasu guztietan, energia eraginkortasunean inbertsio-kostuak antzeko inbertsio baten erreferentzia hartuta identifikatu ahal direnean, energia eraginkortasun txikiagoa dakarrena, modu sinesgarrian diru laguntzarik gabe egin zitekeena (aurrerantzean “**inbertsio konbentzionala**”), bi inbertsio horien arteko kostuen aldeak zehaztuko du energia eraginkortasunari lotutako kostua, eta diruz lagunduko den kostua edo kostu lagungarria izango da.

Energia eraginkortasun maila areagotzeari zuzenki lotuta ez dauden kostuak ez dira diruz lagunduko.

- **4. Oinarriko b) atalean** aurreikusten diren diru laguntzei dagokienez, baterako sorkuntza instalazioak eraginkortasun handiko instalazio moduan funtzionatzeko behar diren ekipoetan egingo diren inbertsio-kostu gehigarriak lagunduko dira diruz, ahalmen bera duten elektrizitate edo berokuntza instalazio konbentzionalekin konparatuta, edo eraginkortasuna hobetzeko inbertsio-kostu gehigarriak, egungo instalazioak eraginkortasun handiko atalasea betetzen duenean.



- **4. Oinarriko c) eta d) ataletan** aurreikusten diren diru laguntzei dagokienez, energia azterlanak edo auditoriak egiteko eta ISO 50001 araua ezartzeko kostuak lagunduko dira diruz.

Nolanahi ere, energia auditorian zein ISO 50001 araua ezartzeko lanetan garatuko den lanaren irismena hartuko da kontuan; eskatzailearen kontsumitzaile-profila, kontsumitutako energiak, egin beharreko monitorizazioak, garatzeko energia balantzeak eta konplexutasuna, baterako sorkuntzaren bideragarritasunaren azterketa ala ez, etab.

- Edozein kasutan, energia eraginkortasun atalean, kontuan hartu beharreko beste argibide edo aspektu batzuk hauexek dira:
  - Gaininbertsioa “energia eraginkortasun handia” duen energia instalazio edo sistema jartzeko proiektuari dagokio, energia instalazio edo sistema konbentzionalaren ezaugarriak izan lituzkeen proiektuekin konparatuta.
  - Proposatzen den energia jardueraren gehieneko kostu lagungarria izango da lehen bost (5) urtean lortzea espero den aurrezki osoa, jarduera abian jartzen den unetik kontatzen hasita.
  - Era berean, diru laguntzaren gehieneko muga 500 €/ (tepEP/urteko) izango da (urtean tona petrolio baliokideko diru laguntzaren gehieneko ratioa, energia primarioaren unitateetan adierazita).
  - Ekoizpen ahalmena edo ahalmen ekonomikoa areagotzearen ondorioz lor litezkeen abantailak kontuan hartu gabe kalkulatu dira energia-aurrezkiak.
- **5. Oinarrian** aurreikusten diren diru laguntzei dagokienez, energia iturri berriztagarrietatik datorren energiaren ekoizpena sustatzeko behar diren inbertsio-kostu gehigarriak izango dira kostu lagungarriak. Kostu horiek era honetan kalkulatu dira:
  - Energia iturri berriztagarrietatik datorren energiaren ekoizpenean egindako inbertsio-kostuak inbertsio bereizi gisa identifikatu ahal direnean guztizko inbertsio-kostuetan, adibidez, erraz identifika daitezkeen osagai erantsiren bat egungo instalazio batean jartzeko, iturri berriztagarrietatik datorren energiari lotutako kostu horiek diruz lagunduko dira.
  - Energia iturri berriztagarrietatik datorren energiaren ekoizpenean egindako inbertsio-kostuak antzeko inbertsio baten erreferentzia hartuta identifikatu ahal direnean, ingurumena gutxiago errespetatzen badu ere, modu sinesgarrian diru laguntzarik gabe egin zitekeena, bi inbertsio horien arteko kostuen aldeak zehaztuko du iturri berriztagarrietatik datorren energiari lotutako kostua, eta diruz lagunduko den kostua edo kostu lagungarria izango da.
  - Tamaina txikiko zenbait instalazioren kasuan, ingurumena gutxiago errespetatzen duen inbertsioa zehazteko modurik ez badago, tamaina mugatua duten instalazio ezagatik, ingurumen babes maila handiagoa lortzeko egindako inbertsioaren guztizko kostuak izango dira kostu lagungarriak.

Nolanahi ere, energia eraginkortasun maila areagotzeari zuzenki lotuta ez dauden kostuak ez dira diruz lagunduko.

## 6.2 KOSTU LAGUNGARRIAREN BARRUAN SARTUKO EZ DIREN JARDUERAK

- Industria alorrean egiten ez diren jarduerak.
- Ekoizpen prozesuan (**ekoizpen prozesuko ekipoak eta instalazioak**) energia eraldatzen edo kontsumitzen duten ekipoak, instalazioak eta sistemak ordezkatzeari begirako inbertsioak.
- Ingurutzailerik termikoari lotutako elementuren baten gaineko jarduerak.
- Kanpo edo barne argiteria berritzeko jarduerak.
- Fakturatutako ondasunak edo zerbitzuak eskuratzeko ordaindu den BEZa, eta, oro har, zergak.

- Inbertsioaren ondorioz eragindako finantza-gastuak, pertsonal propioari dagozkionak eta lurrak erosteko gastuak.
- Ekipo erabiliak eskuratzeko inbertsioak.
- Honako hauek erosteko inbertsioak: makineria autopropulsatua, ibilgailuak, bizikletak eta, oro har, salgaiak eta bidaiariak garraiatzeko garraio-bideak.
- Instalazioak eta ekipoak berritzeko jarduerak, erabilera edo jardunaren aldaketaren ondorioz bada ekintza edo jarduera.
- Instalazio eta ekipoen berritzea edo hobekuntza, enpresak kokalekua aldatu badu.
- Instalazioak eta ekipoak mantentzeko, egokitzeko eta konpontzeko inbertsioak.
- Kondentsadore-bateriak edo energia erreaktiboaren gailu berdintzaileak.
- Buruko gailu edo sistema trinko "aurreztailea" instalazio elektrikoetan, lor ditzakeen aurrezki elektrikoak egiaztzeko eragile baten ziurtapenik ez badu ekipoak, edo eragindako instalazioan aurrezki elektrikoak eragile akreditatu batek ematen duen ziurtapen baten bitartez bermatzen ez badu.
- Zerbitzariak, inprimagailuak eta, oro har, gailu ofimatiko guztiak.
- Merkatu azterketak, bideragarritasun azterketa edo azterlanak, zatikako energia auditoriak prozesuetan edo instalazioetan, etab.
- Garraio-flotak kudeatzeko auditoriak edo gailuak.
- Jarraipen, koordinazio eta horrelako txostenak, baita obra amaierako ziurtapena eta antzekoak ere.
- Egungo igogailuen sistema eragilea edo higitzailea modernizatzeko inbertsioak.
- Eta, orokorrean, behar bezala zehaztu eta definitu gabeko gastu guztiak, edo inbertsioaren energia helburuak lortzea xede zuzena ez duten gastuak.

## 7. DIRU LAGUNTZEI EGINGO ZAIZKIEN MUGAKETA OROKORRAK

### 7.1 Diru laguntzen zenbatekoaren muga

Laguntza Programa honen kontura gauzatuko diren jardueretan, onuradun bakar batek jaso dezakeen gehieneko diru laguntza **ehun eta berrogeita hamar mila (150.000) eurokoa** izango da; gainera, proiektuko izango duen muga berrogeita hamar mila (50.000) eurokoa izango da, eta ez du inola ere gaindituko proiektu mota bakoitzerako ezarritako ehunekoa, Laguntza Programa honen Oinarri hauetako 4. eta 5. ataletan azaltzen direnak.

Hala ere, inbertsio mota energia eraginkortasuneko energia auditoria integrala egiteko, edo ISO 50001 araua ezartzeko bada, Laguntza Programa honen kontura onuradun batek jaso dezakeen gehieneko eta guztizko diru laguntza hamabost mila (15.000) eurokoa izango da proiektuko, eta ez du inola ere gaindituko proiektu mota bakoitzerako ezarritako ehunekoa, Laguntza Programa honen Oinarri hauetako 4. eta 5. ataletan azaltzen direnak.

Jardueraren **kostu lagungarria 5.000 euro** (BEZik gabe) **baino txikiagoa** bada, Laguntzen Programa honetaz ezin izango da baliatu.

### 7.2 Araudi europar aplikagarria

Enpresa handiei ez zaie diru laguntzarik emango, baldin eta energia auditoriak 2012/27/UE Zuzentarauaren 8. artikulua 4. atalean xedatutakoaren arabera egiten badira.

### 7.3 Beste laguntza batzuekiko bateragarritasun erregimena

Beste diru laguntza batzuekiko bateragarritasuna energiaren eraginkortasun jardueretarako

- Dokumentu honetan jasotzen den xede bera izanik, beste erakunde edo elkarte publiko zein pribatu batzuek emandako diru laguntzak bateragarriak izango dira Laguntza Programa

honetan ematen direnekin, baldin eta diru laguntza guztiak batera kostu lagungarriaren ehunekoa jarraian aipatzen direnak edo txikiagoak badira:

- **4. Oinarriko a) atalean** zehazten diren jardueretarako kostu lagungarriaren %30. Salbuespena enpresa txikiak eta ertainak izango dira, horien kasuan %50 eta %40 izango baita, hurrenez hurren (651/2014 Erregelamenduaren 38. artikulua).
- **4. Oinarriko b) atalean** zehazten diren inbertsio proiektuetarako kostu lagungarriaren %45. Salbuespena enpresa txikiak eta ertainak izango dira, horien kasuan %65 eta %55 izango baita, hurrenez hurren (651/2014 Erregelamenduaren 40. artikulua).
- **4. Oinarriko c) eta d) ataletan** zehazten diren inbertsio proiektuetarako kostu lagungarriaren %50. Salbuespena enpresa txikiak eta ertainak izango dira, horien kasuan %70 eta %60 izango baita, hurrenez hurren (651/2014 Erregelamenduaren 49. artikulua).

Beste erakunde batzuek emandako diru laguntzak gauzatzen badira EEEK emandako diru laguntzaren ondoren, diru laguntzaren zenbatekoaren gutxitzea ebazpen baten bidez zehaztu eta jakinaraziko da; aldatzeko ebazpen hori, gainera, diru laguntza ordaindu aurretik emango da.

Beste diru laguntza batzuekiko bateragarritasuna energia berriztagarrien alorreko jardueretarako:

- Dokumentu honetan jasotzen den xede bera izanik, beste erakunde edo elkarte publiko zein pribatu batzuek emandako diru laguntzak bateragarriak izango dira programa honetan ematen direnekin, baldin eta diru laguntza guztiak batera kostu lagungarriaren ehunekoa jarraian aipatzen direnak edo txikiagoak badira:

- **5. Oinarrian** zehazten diren jardueretarako:
  - a. Kostu lagungarriaren %45; salbuespena enpresa txikiak eta ertainak izango dira, horien kasuan %65 eta %55 izango baita, hurrenez hurren, honako ezaugarri hauek betetzen badituzte: (i) iturri berriztagarrietatik datorren energiaren ekoizpenean egindako inbertsio-kostuak inbertsio bereizi gisa identifikatu ahal direnean guztizko inbertsio-kostuetan, adibidez, erraz identifika daitekeen osagai erantsiren bat egungo instalazio batean jartzeko, edo (ii) iturri berriztagarrietatik datorren energiaren ekoizpenean egindako inbertsio-kostuak antzeko inbertsio baten erreferentzia hartuta identifikatu ahal direnean, ingurumena gutxiago errespetatzen badu ere, modu sinesgarrian diru laguntzarik gabe egin zitekeena, bi inbertsio horien arteko kostuen aldeak zehaztuko du iturri berriztagarrietatik datorren energiari lotutako kostua (651/2014 Erregelamenduaren 41. artikulua).
  - b. Kostu lagungarriaren %30; salbuespena enpresa txikiak eta ertainak izango dira, horien kasuan %50 eta %40 izango baita, hurrenez hurren; tamaina txikiko zenbait instalazioren kasuan, ingurumena gutxiago errespetatzen duen inbertsioa zehazteko modurik ez badago, tamaina mugatua duten instalazio ezagatik, ingurumen babes maila handiagoa lortzeko egindako inbertsioaren guztizko kostuak izango dira kostu lagungarriak (651/2014 Erregelamenduaren 41. artikulua).

#### 7.4 Diruz lagunduko diren jardueren kontratazioa edo azpikontratazioa hirugarrenekin

- a) LGSen 29. artikuluan xedatutakoarekin bat etorriz, onuradun batek azpikontratzen duela ulertuko da honako egoera hau gertatuz gero: diru laguntzaren xedea den jardueraren zati baten edo jarduera osoaren gauzapena hirugarren batekin hitzartzen badu. Diruz lagunduko den jarduera aurrera eramateko onuradunak berak egingo dituen gastuen kontratazioa kontzeptu horretatik kanpo geratuko da.

Nolanahi ere, hirugarrenen kontratazioa edo azpikontratazioa diruz lagunduko den jardueraren zenbatekoaren %100 izan daiteke; diruz lagunduko diren jardueren kontratazio edo azpikontratazioaren aplikazioari dagokionez, goraxeago aipatutako 29. artikuluan xedatutakoa beteko da.

- b) Diru Laguntzei buruzko Lege Orokorraren 31.3 artikuluan xedatutakoa betez, urriaren 30eko Sektore Publikoaren Kontratuen 30/2007 Legean (**gaur egun TRSPKL** edo

TRLCS) ezarritako zenbatekoak gainditzen badituzte gastu lagungarriaren zenbatekoek, kontratu txikiari dagokionez, onuradunak gutxienez hiru eskaintza eskatu beharko zaizkie hornitzaile ezberdinei, obrarako konpromisoaren kontratazioa gauzatu, zerbitzua egin edo ondasuna eman aurretik, salbu eta, haren ezaugarri bereziengatik, merkatuan nahiko erakunderik ez baldin bada gauzatu, zerbitzu egin edo hornitzeko, edo salbu eta gastua egiten baldin bada diru laguntza eman baino lehen (salbuespena, azken kasu honetan, 651/2014 Erregelamenduaren mende dauden enpresei begira).

Aurkeztuko diren eskaintzen arteko aukeraketa, justifikazioan aurkeztu beharko direnak, edo hala badagokio, diru laguntza eskarian, eraginkortasun eta ekonomia irizpideak kontuan hartuta egingo da, eta ekonomikoki proposamen abantailatsuen aukeratu ezean, berariaz justifikatu beharko da.

## 8. DIRU LAGUNTZA IZAPIDETZEKO KUDEAKETA ETA PROZEDURA

39/2015 Legearen 14. artikuluan xedatutakoarekin bat etorritik eta administrazio elektronikaz diharduen otsailaren 21eko 21/2012 Dekretuaren arabera (aurrerantzean 21/2012 Dekretua), Laguntza Programa honi lotutako espedienteen bideratze edo izapidetze guztiak (eskaerak, errekerimenduak, jakinarazpenak, zuzenketak eta gainerako kudeaketak) bide elektronikoen bitartez baino ez dira egingo. Hain zuzen ere, izapide horietarako propio diseinatutako aplikazio informatikoa erabili beharko da. Aplikazio hori EEEn webgunean dago eskuragarri, helbide honetan: <https://gestionayudas.eve.eus/solicitud>.

Diru laguntzak eskatzea edo bideratzearekin zerikusia duten edozein izapide edo dokumentu aplikazio informatika horretaz eginez gero, sinadura elektronikoa eduki beharko du, 21/2012 Dekretuaren 11. artikuluan xedatutakoaren arabera.

## 9. DIRU LAGUNTZA ESKATZEKO MODUA

Diru laguntza zuzenean eska dezake enpresaren legezko ordezkariak; hala ere, hau ezin izango da diru laguntzaren onuraduna izan inoiz.

Eskatzaileak jarduera bera egingo badu zenbait tokitan, eskabide espezifiko bat egin beharko du kokaleku bakoitzeko.

Laguntza Programa honen arabera, diru laguntzaren eskabidea eta berarekin batera bidali behar den dokumentazio tekniko-administratiboa 8. atal edo klausulan azaltzen den aplikazio informatikoaren bitartez egingo da, eta 3. atalean adierazten da zein epetan.

Zehazki, eskatzaileak aurkeztu beharreko dokumentazioa hau da:

- **2017ko diru laguntza eskabidea.** Dokumentu honetan eskatzailearen datu orokorrak, diru laguntza eskatzea ekarri duen proiektu mota, haren kokalekua eta gauzatu nahi den jardueraren inguruko datu tekniko zehatzak azalduko dira. Gainera, honako dokumentu hauek aurkeztu beharko dira:
  - Eskatzaileak arauak betetzen dituela egiaztatzen duen ardura-deklarazioa justifikazioaren egunean.
  - Enpresatzailearen hartzeko deklarazioa edo adierazpena, 651/2014 Erregelamenduaren ondorioetarako.
  - Aurkezten duen proiektu bera egiteko, beste administrazio edo erakunde publiko edo pribatu bati eskatutako edota emandako beste diru laguntzei buruzko deklarazioa eskaeraren egunean. Dokumentu hori bete edo aurkeztu beharrekoa da, eskatutako edota emandako beste diru laguntzarik ez bada ere.

- Beste erakunde batzuek emandako beste diru laguntzei buruzko ebazpen positiboa(k) eduki baldin bad(it)u, haien kopiak aurkeztu beharko dira.
- Sinatzailearen NANaren kopia (legezko ordezkaria).
- IFKaren kopia.
- Ahalduzko eskrituraren kopia edo ordezkatzeko dokumentu justifikagarria.
- Eskrituraren, estatutuen edo eratzeko ekitaldiaren kopia.
- Kontu korrontearen IBAN-a egiaztatzeko banketxearen ziurtagiria, haren titularra onuraduna izan beharko da. Laguntzen Programa honek eskatzen dituen baldintza guztiak betez gero, kontu horretan sartu edo ordainduko da diru laguntza.
- Foru Ogasunean dagozkion ordainketak eginak dituela egiaztatzen duen egiaztigiri eguneratua.
- Gizarte Segurantzaren dagozkion ordainketak eginak dituela egiaztatzen duen egiaztigiri eguneratua.
- **Ondorio pizgarria** betetzearen inguruko **justifikazioen dokumentua**, 651/2014 Erregelamenduaren 6.2 artikuluan eskatzen den bezala, (**enpresa handiak** bakarrik).
- Egungo eta proposatzen den egoeraren azalpen memoria tekniko-ekonomikoa, proiektuaren hasiera eta amaiera eguna jasotzeaz gain, aurreikusitako energia aurrezpena egiaztatzeko justifikagarria ere eduki behar duena. Energia auditorien kasuan, edo ISO 50001 arauaren ezarpenarenean, kokapenaren inguruko azalpen orokorra emango da energia eta teknika aldetik (funtzionamendu orduak urtean, langile kopurua, txandak, energia kontsumoak eta kostua, ekoizpena urtean, etab.). Halaber, energia kontsumitzen duten instalazio nagusien deskribapena azaldu beharko da, auditoriaren nondik norakoa adieraziz (egin beharreko monitorizazioa, garatu beharreko energia balantzeak eta konplexutasuna, baterako sorkuntzaren bideragarritasunaren azterketa bai ala ez, energia berriztagarriak, etab.).
- Aurreikusitako energiaren aurrezpenaren justifikazioa, energia auditoriak izan ezik.
- Inbertsio “konbentzional” edo “estandar” motaren kostua, 651/2014 Erregelamenduaren 38., 40. eta 46. artikuluetan xedatutakoa betez (eraginkortasun handiko alderdiak kontuan hartzen ez dituen oinarritzko inbertsio baten eskaintza edo antzekoa).
- Inbertsioa energia zerbitzu enpresa (ESE) baten bidez egin duten eskatzaileen kasuan bakarrik:
  - ✓ Eskatzailearen eta azken bezeroaren artean sinatutako kontratuaren kopia, energia zerbitzuak emateari begira. Bertan, besteak beste, hauxe azalduko da: inbertsioak eta itzulkina edo erretornua, energia zerbitzuen prezioa, eta energia zerbitzu enpresen (ESE) nahitaezko inbertsioen eta borondatezko inbertsioen arteko bereiztea.
  - ✓ Aipatutako kontratu horretan, ESEren eta azken bezeroaren artean sinatua, zerbitzuaren prezioen murrizketaren zenbatekoa azaldu ezean, eskatzaileak ESEren aldetik jasoko duen diru laguntzaren ondorioz, alde biek izenpetuko duten deklarazio bat aurkeztu beharko da, energia zerbitzuaren kostuaren murrizketa adieraziz, eta haren gutxieneko kantitatea izango da EEEK ESEri emango dion diru laguntza ekonomikoa.
- Enpresa esleipendunaren eskaintza, sailka zehaztua. Ez da inolako aurrekonturik onartuko, baldin eta sail ekonomiko gehituak baditu, energia instalazioaren sail ekonomiko garrantzitsuenak bereiztea galaraztea ekar dezaketenak.

Modu osagarrian, goraxeago aipatutako dokumentazio eta informazioaz gain, EEEK bestelako dokumentu edo egiaztagarriak ere eska ditzake, diru laguntza eskabidea modu egokian aztertzeko, ebazteko eta diru laguntza emateko, hala badagokio.

## **10. EBAZPENA, KOMUNIKAZIOA ETA PUBLIZITATEA**

Diru laguntza emateko prozedura lehia edo konkurrentzia jarraitua izango da, eta, beraz, eskabideak aurkezten diren hurrenkeraren edo ordenaren arabera aztertu eta bideratuko dira espedienteak, eta modu egokian formulatuak eta beteak egongo diren heinean eta hurrenkeran bideratuko dira.

Eskabidea osatugabe edo akatsekin egongo balitz, hamar (10) egun baliouduneko epea emango litzaioke eskatzaileari zuzentzeko, zuzentzeko bidaliko zaion idazkiaren bidez jakinarazia, diru laguntzaren eskatzaileak horren berri emateko jakinarazpena jasotzen duen egunetik kontatzen

hasita (39/2015 Legearen 68. artikulua). Ondorio horietarako, zuzenketa egingo den eguna joko da eskabidearen aurkezpen eguntzat.

Goraxeago aipatutako epean dokumentazioa aurkeztuz gero, eskabideari dagokion espedientea bideratzen edo tramitatzen jarraituko da. Epe horretan dokumentazioa aurkeztu ezean, eskabidea baztertu egingo da, aldez aurretik berariazko ebazpena eman. Aurrekoa gorabehera, eskatzaileak beste eskabide bat aurkezteko eskubidea izango du. Nolanahi ere, 3. oinarrian zehazten den diru laguntza programaren iraunaldia kontuan hartu beharko da.

EEE Energiaren Euskal Erakundeko zuzendari nagusiak ebazpena eman eta modu elektronikoan (8. oinarrian azaltzen den aplikazio informatikoaren bitartez) helaraziko dio eskatzaileari jakinarazpena sei (6) hilabeteko gehieneko epean, diru laguntza eskaera aurkeztu den egunetik kontatzen hasita (39/2015 Legearen 21.2 artikulua).

Ebazpen horretan diru laguntza jasotzen duen proiektuaren irismena, diru laguntzaren zenbatekoa eta intereseko beste alderdi batzuk azalduko dira. Ebazpena eskaerari ezezkoa emateko bada, ordea, zioak edo argudioak azalduko dira.

Epe hori igaro ondoren eta berariazko ebazpenik jakinarazi ez bada, interesdunek onartutzat jo ahal izango dute beren diru laguntza eskaera, 39/2015 Legearen 24.1 artikuluan xedatzen denarekin bat etorritik.

Ebazpen horren kontra, prozedura administratiboari amaiera ematen diona, interesdunek hautazko birjartze errekurtsioa jar dezakete EEE Energiaren Euskal Erakundeko zuzendari nagusiaren aurrean hilabeteko epearen barruan, ebazpena jakinarazten den egunaren biharamunetik kontatzen hasita, edo bestela, zuzenean administrazioarekiko auzi errekurtsioa Bilbon dagokion epaitegian bi hilabeteko epean, ebazpena jakinarazten den egunaren biharamunetik kontatzen hasita. Hori guztia, 39/2015 Legearen 123. eta 124. artikuluek diotena betez eta uztailearen 13ko 29/1998 Legearen 46.1 artikuluekin bat etorritik; hain zuzen ere, Administrazioarekiko auzien jurisdikzioa arautzen duena (aurrerantzean 29/1998 Legea).

Diru laguntza emateko orduan kontuan hartutako baldintzak aldatuz gero, betiere onuraduna izateko diru laguntzen araudiek ezartzen dituzten gutxieneko betekizunak babestuz, diru laguntza emateko ebazpena aldatzea ekar dezake (LGEen 19.4 artikulua eta 1/1997 Dekretu Legegilearen 49.2 artikulua).

Azkenik, 19/2013 Legeak dioenarekin bat etorritik, abenduaren 9koa, gardentasunari, informazio publikoa eskuratzeko bideari eta gobernu onari buruzkoa (aurrerantzean 19/2013 Legea), Laguntza Programa hau amaitu eta gero, EEE Energiaren Euskal Erakundeak bere Gardentasun Atarian eta EHAAan argitaratuko ditu emango diren diru laguntzak; bertan, laguntzen zenbatekoa, helburua edo xedea eta onuradunak azalduko dira.

## **11. DIRU LAGUNTZAK ORDAINTZEA**

EAEko Administrazio Orokorrak eta bere erakunde autonomiadunek zein EEEK emandako diru laguntzak itzultzeko dauzkaten elkarrekin, Laguntzen Programa honen izaera berekoak baldin badira, ezin izango dute laguntzen programa honek ematen duen diru laguntzarik jaso.

Horrelako kasuetan, aztertu egingo da itzuli beharreko diru laguntza zer egoeratan dagoen, borondatezko aldiaren edo bide betearazlean.

Aurkeztuko den proiektua edo azterlana bukatu ondoren, diru laguntza eskabidean azaldutakoarekin bat etorritik, EEEK emango duen diru laguntzaren ordainketa, onuradunak horretarako adierazitako kontu korrontean egingo da. Hori egin aurretik, justifikatu beharreko dokumentazio guztia aurkeztu beharko da, diruz lagunduko jarduerak eta egindako gastuak egiaztatzeko.

Justifikazioa aplikazio informatika baten bidez egingo da, hasieran diru laguntza eskabidea bideratzeari begira erabiliko den aplikazio bera. Aplikazio hori berariaz diseinatu da espedienteen dokumentazio justifikagarria errazteko, eta EEEren webgunean eskuragarri dago, helbide honetan: [www.eve.eus](http://www.eve.eus).



Jarduerak justifikatzeko, honako dokumentu hauek aurkeztu beharko dira:

- Proiektuaren Amaiera eta Abian Jartzeko Komunikazioa eta bertan azaldu behar diren dokumentuak hauexek dira:
  - Eskatzaileak arauak betetzen dituela egiaztatzen duen ardura-deklarazioa justifikazioaren egunean.
  - Aurkezten duen proiektu bera egiteko, beste administrazio edo erakunde publiko edo pribatu bati eskatutako edota emandako beste diru laguntzei buruzko deklarazioa justifikazioaren egunean. Dokumentu hori bete edo aurkeztu beharrekoa da, eskatutako edota emandako beste diru laguntzarik ez badago ere.
- Beste erakunde batzuek emandako beste diru laguntzei buruzko ebazpen positiboa(k) eduki bad(it)u, haien kopiak aurkeztu beharko dira.
- Foru Ogasunean dagozkion ordainketak eginak dituela egiaztatzen duen egiaztigiri eguneratua.
- Gizarte Segurantzian dagozkion ordainketak eginak dituela egiaztatzen duen egiaztigiri eguneratua.
- Egindako inbertsioaren faktura zehatza/k (jatorrizko kopiak), honako data hauen artean: Laguntza Programa honen diru laguntza eskabidea aurkezten den egunaren biharamunetik, haren Oinarriak EHAAn argitaratu ondoren, 2017ko abenduaren 31ra.

Fakturak onuradunak berak jaulki behar ditu, Oinarri hauetako 2.1 atalean zehazten den bezala.

Proiekturen batek hamar (10) faktura baino gehiago jaulkitzea eskatuz gero, faktura horiekin batera, fakturen zerrenda zehatza den laburpen koadro bat aurkeztu beharko da, eta bertan, gutxienez, hornitzailea, data, faktura-zenbakia eta zerga oinarria azaldu behar dira.

Proiekturen batek obra-ziurtapenari lotutako fakturak jaulkitzea eskatuz gero, honako hau aurkeztu beharko da: 1) jaulkitako faktura-ziurtapen guztiak, 2) jaulkitako faktura-ziurtapen bakoitzari dagokion ziurtapen laburpen guztiak, eta 3) jaulkitako ziurtapen bakoitzarekin bat etorritako kontu-sail burutuen bilakaeraren zehaztasun guztiak (laburpena eta faktura).

Eskaeran adierazitako inbertsio osoa justifikatu ezean, azalpen justifikagarri laburra aurkeztu beharra dago.

- Laguntza Programa honen diru laguntza jasotako energia jardueraren osagai nagusien kolorezko argazkiak. Argazki horietan hasierako egoera, jarduera egiten hasi baino lehen, eta amaierako egoera agertuko dira.
- Auditorien kasuan, azken txostenaren kopia, sintesiari eta ondorioei dagozkien atal zehatza izango duena. Bertan, auditoria egiten den tokiaren oinarritzko azalpena emango da. Horretaz gain, koadro-laburpen gisa, aztertuko diren energia eraginkortasunari lotutako jarduerak azalduko dira, eta gutxienez hauexek zehaztuko dira: kontzeptua, egin beharreko inbertsioa, espero diren urteroko aurrezkiak, energia eta diru aldetik, eta jarduera bakoitzari dagokion inbertsioaren berreskurapena.

ISO 50001 araua ezartzeko, kanpoko elkarte akreditatu batek emandako ziurtagiriaren kopia.

Goraxeago aipatutako dokumentazio hori EEERI aurkezteko azken eguna 2018ko urtarrilaren 15ean izango da, 8. oinarrian aipatzen den aplikazio informatikoaren era elektronikoz. Nolanahi ere, dokumentazio justifikagarri guztia aurkezteko epea ez da inola ere luzatuko EEE Energiaren Euskal Erakundearen aldetik.

Aipatutako dokumentazio hori guztia EEEren bulegoetan jaso ondoren, aztertzeari ekingo zaio, eta behar bezala izanez gero, diru laguntza ordaintzeko izapideari hasiera emango zaio, dagokion diru sarrera eginez.

Horrelako kasuren bar gertatuz gero:

- Eskatutako dokumentazio guztia ez da epearen barruan aurkezten.
- 2017ko urtarrilaren 1etik 2017ko abenduaren 31 bitartean, energia instalazioa egin dela eta dagokion fakturazioa ez dira egiaztatzen, eta enpresen kasuan, diru laguntza eskabidea aurkezten den egunaren biharamunetik, Laguntza Programa hau EHAAan argitaratu eta gero, 2017ko abenduaren 31ra.
- Aurkeztutako dokumentazio justifikagarri guztia aztertu ondoren, hasieran amandako diru laguntzaren zenbatekoa txikiagoa izan behar dela edo ez zegokiola diru laguntza ematea.

Goiko hiru kasuetakoren bat gertatuz gero, EEEk diru laguntza alde edo osorik, kasuan kasu, errebokatze espedienteari ekingo dio.

## **12. IKUSKAPENAK**

Diru laguntza emateko ebazpena eman ondoren, EEE Energiaren Euskal Erakundeak ikuskapen teknikoa "in situ" egin ahal izango du, eta bertan zenbait argazki adierazgarri egingo dira, adierazitako inbertsioa burutu dela egiaztatzeko asmoz.

Ikuskapena egingo zaien onuradunei alde aurretik idazki bat bidaliko zaie haren berri emateko. Ikuskapena egiteko jakinarazpena jasoko dutenek egiteko betebeharra izango dute, eta, beraz, EEEri egiten utzi beharko diote.

Jakinarazpena bidali ondorengo bi asteren barruan, EEEk onuradunari ikuskapen teknikoa edo ekonomikoa "in situ" egingo duela jakinarazi ondoren, adierazitako inbertsioa burutu dela egiaztatzeko asmoz, ezin izango balitz ikuskapena egin, EEEekin zerikusia ez duten arrazoiak tarteko, idatziz jakinaraziko zaio onuradunari hamabost (15) egun balioduneko epea izango duela beste hitzordu bat egiteko, ikuskapena egin ahal izateko. Hori egin ezean, EEEk diru laguntza alde edo erabat baliogabetzeko edo errebokatzeko ebazpena emateko espedientea abiaraziko du.

Ikuskapenean hartutako informazioa eskabidean aurkeztu den dokumentazioarekin kontrastatu ondoren, eta hasieran amandako diru laguntza kantitatea txikiagoa izan behar dela, edo ez dagokiola diru laguntzarik jasotzea ondorioztatuko balitz, EEEk diru laguntza alde edo erabat errebokatze espedientea egingo du eta, hala badagokio, zati bat edo kantitate osoa itzultzeko eskatuko luke, legezko beste bide batzuk hartzeko eta zigorrak aplikatzeko eskubideari uko egin gabe.

## **13. ONURADUNEN BETEBEHARRAK**

Deialdi edo programa honen bitartez arautzen diren diru laguntzen onuradunek, ezinbestean, betebeharrak hauek izango dituzte:

- a. LGSen 14. eta 46. artikuluetan eta 1/1997 Dekretu Legegilearen 50.2. artikuluan xedatutakoak.
- b. Emandako diru laguntza onartzea. Diru laguntza eman zaiola jakinarazten dion agiria jaso eta hamabost (15) eguneko epean berariaz eta idatziz uko egiten ez badio onuradunak, onartu egin duela ulertuko da, deialdi honetan zein ebazpenean ezartzen diren baldintza ekonomikoen eta gainerakoen arabera.
- c. Diru laguntza zertarako eman zaion, horretarako erabiltzea.
- d. Kontrol Ekonomiko Bulegoari eta Kontu Publikoen Euskal Auzitegiari ematea eskatu ahal dioten informazioa; betiere laguntzen programa honen diru laguntza hauek kontrolatzeko dituzten zereginei jarraiki.
- e. Helburu bera duen proiektua egiteari begira, beste Administrazio, erakunde publiko edo pribatu bati eskatutako edota horiek emandako diru laguntzaren berri ematea EEE Energiaren Euskal Erakundeari.

- f. Garatuko den egitasmoen lotutako instalazioek indarrean dagoen legeria edota araudia bete beharko dute, eta haien osagaiek dagokion erakunde eskumendunaren homologazioa eduki beharko dute. Beraz, onuradunak onartzen du egitasmoak bete egingo duela aplikagarria izan dakioken legeriaren alderdi guztietatik: teknika, hirigintza eta gainerako ezaugarriak kontuan hartuta.
- g. Instalazioa jabetzan izatea eta funtzionamendu egokian edukitzea bost (5) urteko gutxienezko epean, EEEK diru laguntza ematen edo ordaintzen duen egunetik kontatzen hasita.
- Kasu bereziren batean, aipatutako bost (5) urteko epea igaro aurretik, onuradunak diruz lagundutako instalazioak edota ekipoak hirugarren bati besterentzea erabakiz gero, saltzeko kontratu-agirian espresuki adierazi beharko du inbertsio hori EEEren 2017ko Industria Arloan Energia Eraginkortasunaren eta Energia Berriztagarrien Erabileraren Aldeko Inbertsioak Sustatzeko Laguntzen Programaren diru laguntza jaso duela. Era berean, jabe berriak edo erosleak konpromisoa hartzen du diru laguntza eman zen helbururako erabiltzeko eta instalazioak funtzionamendu egokian edukitzeko EAEn, gutxienez, aipatutako epea bete arte. Horrela ez balitz, EEEK diru laguntza aldeaz edo osorik baliogabetzeko espedientea irekitzeari ekingo lioke, kasuan kasu.
- Nolanahi ere, besterentzea erabakiz gero, EEEri jakinarazi beharko lioke, kontratu-agiria sinatzen den egunetik hilabeteko epean gehienez ere.
- h. Diru laguntzaren helburua diren instalazioak eta/edo ekipoak besterentzen badira hirugarrenaren alde, diru laguntzaren onuradunak, hartzailearengandik diru laguntza eman zen helburua betetzeari begirako konpromisoa bereganatzeaz gainera, baita ezarritako epean zehar funtzionamendu egoera egokian edukitzeko ere, erosleak agindutakoa behar bezala betetzen ez badu, emandako diru laguntza itzultzeko betebeharra duela konpromisoa hartzen du.
- i. EEEK hala eskatzen baldin dio, onuradunak konpromisoa hartzen du lortutako emaitzen bilakaeraren berri emateko, baita haien dibulgazio lanak egiteko ere, bost (5) urteko epean, EEEK diru laguntza ematen duen egunetik kontatzen hasita.
- j. Diru laguntza ematearekin zerikusia duen edozein aldaketa objektiboa zein subjektiboaren berri ematea EEEri.
- k. Eman daitezkeen diru laguntza ondo erabiltzen dela egiaztatzeko, EEEK eska diezaiokeen informazio guztia emango du onuradunak.
- l. Diruz lagunduko den proiektuaren inguruan egin daitezkeen komunikazio edo sustapen ekintzetan, paperean, euskarri elektronikoan edo ikus-entzunezkoan, EEEren 2017ko Industria Arloan Energia Eraginkortasunaren eta Energia Berriztagarrien Erabileraren Aldeko Inbertsioak Sustatzeko Laguntza Programaren diru laguntza jaso duela erreferentzia argia azaldu beharko da.

#### **14. EZ BETETZEA ETA DIRUA ITZULTZEA**

Jasotako diru laguntzak itzultzeari ekingo zaio eta dagozkion berandutze-interesak eskatuko zaizkio, diru laguntza ordaintzen zaion unetik edo egunetik itzulketa egiteko erabakia hartzen den data edo egunera arte, LGSen 37. artikuluan xedatutakoa betez. Itzulketa aldeaz edo partzialki egin beharko den kasuetan, aipatutako LGSen 37.2 artikuluan xedatutako graduazio irizpideak kontuan hartuko dira.

Deialdi edo programa honetan ezarritako eskakizunak, aplikatu daitezkeen gainontzeko arauak edo diru laguntza emateko ebazpenean jarritako baldintzak bete ezik, ez betetze espedientea ireki, eta diru laguntzak ezeztatu eta itzuli egin beharko litzaioke EEEri, berandutze-interesekin batera. Hori guztia, honako legeriak xedatutakoa betez: 1/1997 Dekretu Legegilean xedatutakoari jarraiki eta abenduaren 17ko 698/1991 Dekretuaren II. idazpurua, Euskal Autonomia Erkidegoko aurrekontuen kontura emandako diru laguntzen bermeei eta itzulketei buruzko araudi orokorra arautzen duena, eta kudeaketan parte hartzen duten erakunde laguntzaileek bete behar dituzten

eskakizunak, arautegia eta betebeharrak finkatzen dituena. Nolanahi ere, horrek ez du salbuesten bestelako zehapen eta lege-egintzetatik.

Errebokatzeko espedienteak hasarazteko eta ebazteko eskumena eta, hala dagokionean, emandako diru laguntza aldez edo osorik itzularazteko ebazpenena, Energiaren Euskal Erakundeko zuzendari nagusiak du.

## **15. INFORMAZIO KLAUSULA ESKATZAILEEI**

EEE Energiaren Euskal Erakundeak, Bizkaia plaza eraikinean, Urkixo zumarkalea, 36. 1. solairua, 48011 Bilbon, helbideratua dagoenak, hauxe jakinarazten dizu: zuk emandako datu pertsonalak, edo geroago eratu direnak, EEE Energiaren Euskal Erakundearen ardurapean izango diren fitxategietan sartuko direla. Datu horiek zure eskabidea aztertu eta kudeatzeko erabiliko dira, eta hala badagokio, eskabide horretan eskatzen den diru laguntza ematekotan, horren ondorioz sor litezkeen harremanak bideratu eta gauzatzeko; betiere, aplikagarria izan daitekeen araudia betez.

Nolanahi ere, onuradunak datu horiek ikusteko, aldatzeko, ezabatzeko eta inori ematen ez uzteko eskubideak erabil ditzake, datu pertsonalak babesteko legeriak xedatutakoari jarraiki. Horretarako, goraxeago aipatzen den EEEn helbidera idazki bat bidali behar du, bertan nor den behar bezala egiaztatuz.

Aurrekoaz gain, onuradunak honako konpromiso hau hartzen du: eskabidearekin zerikusia duen edozein pertsona fisiko/juridikoren datu pertsonalak EEE Energiaren Euskal Erakundeari eman aurretik, pertsona fisiko/juridiko horri aurreko paragrafoetan azaltzen diren testuen edukiaren eta gainerako eskakizunen berri emateko. Horretaz gain, EEERI datu pertsonalak era zuzenean emateko aplikagarriak izan litezkeen araudi guztiak betetzeko konpromisoa hartzen du, EEEK bestelako jarduera gehigarri egin beharrik gabe. Era berean, EEERI emandako datuetan gerta litezkeen aldaketa edo ezabaketan berri emateko konpromisoa hartzen du.

## **16. AZKEN XEDAPENAK**

1. EEEn erabakiak izaera administratiboa du, eta administrazioarekiko auzitegiei dagokie EEEK kudeatzen dituen diru laguntzekiko jurisdikzio-eskumena.
2. Laguntza Programa honek emandako diru laguntzari esker egiten diren instalazioen irudien erabilera egiteko eskubidea du EEEK.
3. Onuradunak aurkeztuko duen dokumentazioan edo informazioan egon daitezkeen akatsen eta/edo errakuntzen erantzukizuna harena baino ez da izango, baldin eta EEEK eman beharko duen diru laguntzaren kantitateari eragiten badio zuzenean, ez izapidetza edo tramitazio egokiari dagokionez. Horrexegatik, hain zuzen ere, diru laguntza ematen den unean kontuan hartzen den gastuaren eta gerta litekeen gehikuntzaren edo gastu errearen arteko aldea ez da inola ere berrikusiko.
4. Oinarri hauetan aurreikusten edo jasotzen ez den guztietan honako hau beteko da:
  - 38/2003 Legea, azaroaren 17koa, Diru Laguntzei buruzko Lege Orokorra.
  - 887/2006 Errege Dekretua, uztailearen 21ekoa, Diru Laguntzei buruzko azaroaren 17ko 38/2003 Lege Orokorri buruzko Arautegia onartzen duena.
  - 1/1997 Legegintza Dekretua, azaroaren 11koa, Euskadiko Ogasun Nagusiaren Antolarauei buruzko Legearen Testu Bategina onartzen duena.
  - Batzordearen 2014ko ekainaren 26ko UE 651/2014 Erregelamendua, zenbait diru laguntza mota barne-merkatuarekin bateragarriak jotzen dituena, Itunaren (DOUE 2014 L 187) 107. eta 108. artikuluen aplikazioaren ondorioz.
  - 39/2015 Legea, urriaren 1ekoa, Administrazio Publikoen Administrazio Prozedura Erkideaz diharduena.

- 29/1998 Legea, uztailaren 13koa, Administrazioarekiko Auzien Jurisdikzioa arautzen duena.
- 21/2012 Dekretua, otsailaren 21ekoa, Administrazio Elektronikoari buruzkoa.

**INDUSTRIA ARLOAN ENERGIA ERAGINKORTASUNAREN  
ETA ENERGIA BERRIZTAGARRIEN ALDEKO INBERTSIOAK  
SUSTATZEKO LAGUNTZA PROGRAMA**

- 2017. URTEA -

**FORMULARIOAK**

**Diru laguntza eskatzeko formularioa**

2017ko diru laguntza eskabidea

**Dokumentazio administratiboaren formularioak eskaeraren egunean**

Eskatzaileak araudia betetzearen inguruko deklarazioa eskaeraren egunean

Beste laguntza batzuez deklarazioa eskaeraren egunean

**Dokumentazio teknikoaren formularioak**

Energia auditoria integralak eta ISO 50001 araudiaren ezarpena

Klimatizazioa

Baterako sorkuntza

Ekipo osagarrien berritzeak eta prozesu industrialen alorreko instalazioetan hobekuntzak

Eguzki termikoa

**Dokumentazio administratiboaren formularioak justifikazioaren egunean**

Eskatzaileak araudia betetzearen inguruko deklarazioa justifikazioaren egunean

Beste laguntza batzuez deklarazioa justifikazioaren egunean